

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-517-9/23

Datum: 17.04.2024. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Univerzitet u Zenici**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

o akreditaciji visokoškolske ustanove **Univerzitet u Zenici**

O b r a z l o ž e n j e

Dana 20.11.2023. godine Agencija je zaprimila od Ministarstva za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo) Prijedlog za imenovanje komisije stručnjaka za akreditaciju visokoškolske ustanove Univerzitet u Zenici, broj: 10-34-96-40/23 od 08.11.2023.godine u kojem je predloženo da Agencija imenuje Komisiju stručnjaka koja će obaviti posjetu visokoškolskoj ustanovi Univerzitet u Zenici i, na osnovu utvrđenog stanja, dati preporuku o ishodu akreditacije predmetne visokoškolske ustanove.

Agencija je, postupajući u skladu s Instrukcijom o načinu imenovanja komisije stručnjaka za akreditaciju, broj: 05-02-1-71-1/16 od 28.1.2016.godine, utvrđeno je da su pojedini stručnjaci učestvovali u prethodnom postupku akreditacije, kao i da se neki od predloženih stručnjaka nalaze u sukobu interesa sa predmetnom visokoškolskom ustanovom. S tim u vezi, Agencija je dopisom, broj: 05-33-1-517-2/23 od 15.02.2024. godine od nadležnog Ministarstva tražila dostavljanje novog prijedloga stručnjaka iz kategorije predstavnici akademske zajednice u BiH. Dana 21.02.2024. godine, postupajući u skladu sa pomenutim dopisom Agencije, nadležno Ministarstvo je putem elektronske pošte dostavilo dopis, broj: 10-34-96-7/24 od 19.02.2024. godine, kojim se predlažu novi članovi Komisije stručnjaka iz kategorije predstavnici akademske zajednice u BiH. Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, imenovala Komisiju stručnjaka Rješenjem broj: 05-33-1-517-4/23 od dana 22.02.2024. godine.

Dana 15.04.2023. godine Komisija stručnjaka je ovoj Agenciji dostavila Izvještaj o eksternoj evaluaciji visokoškolske ustanove **Univerzitet u Zenici**, radi izdavanja preporuke o akreditaciji visokoškolske ustanove.

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

Uvidom u navedene dokumente, utvrđeno je sljedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini, te
- da je u skladu sa Odlukom o normama i Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16).


U skladu s Odlukom o normama, Komisija stručnjaka je ocjenila ispunjenost deset kriterija za akreditaciju opisnim ocjenama, kako slijedi:

- Politika osiguranja kvaliteta: *potpuno ispunjen*
- Izrada i odobravanje programa: *potpuno ispunjen*
- Učenje, podučavanje i vrednovanje usmjereni na studenta: *potpuno ispunjen*
- Upis i napredovanje studenata, priznavanje i certificiranje: *potpuno ispunjen*
- Nastavno osoblje: *znatno ispunjen*
- Resursi za učenje i podrška studentima: *znatno ispunjen*
- Upravljanje informacijama: *potpuno ispunjen*
- Informisanje javnosti: *potpuno ispunjen*
- Kontinuirano praćenje i periodična revizija programa: *potpuno ispunjen*
- Periodično vanjsko osiguranje kvaliteta: *potpuno ispunjen*

Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Univerzitet u Zenici**, te isto dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH.


Direktor *Enes Hašić*
Prof. dr. Enes Hašić

Dostaviti:

- Ministarstvo za obrazovanje, nauku, kulturu i sport Zeničko-dobojskog kantona
- Univerzitet u Zenici
- ☉ Sektor 05
- a/a